

## Showing Concern for a Friend

**Karihwénhawe:** Hao' ki ónhka'k yakononhwáktani tówa' ni ro'nikonhráksens. Oh ní:yoht tsi tatshehrhó:ton'

KANENHSATÀ:KE

**Warisó:se:** Oh nontyé:ren tsi só:tsi tisa'nikonhrèn:'en? Akwé:kon ken skennen'kó:wa ne sarihwa'shòn:'a?

**Tewateronhiákhwa:** Niyakó:ten kwah ayontá:ti'.

**Kanástatsi:** Tó:ka. Ka'nikonhrò:ktha.

**Tewateronhiákhwa:** Oh nontié:ren?

**Kanástatsi:** Kentón:nis.

**Tewateronhiákhwa:** Oh nontyé:ren?

**Kanástatsi:** Wa'tiatiatekháhsi' tánon' skataterihwáhstani.

**Tewateronhiákhwa:** Hatskwi ne wi' wa'konhró:ri' entsontaterihwáhsten' cause rotikstén:ha ó:nen.

**Kanástatsi:** Yawentónnia't o'karahsnéha akonhà:'k. Yah ónhka tehrhónhkahre.

**Warisó:se:** Ka' kati ne: nón:we ne sahskarasé'stsi ka' né:' nón: nì:re's?

**Tewateronhiákhwa:** 'Khna wahaterihonkóhten'.

**Kanástatsi:** Iah.

**Tewateronhiákhwa:** Ta:' só:tsi ónhte nithoyón:ha.

**Kanástatsi:** Tó:ske tsi nithoyónha tánon' onke'nikonhrayén:ta'ne' tsi iah-

**Tewateronhiákhwa:** Iah raónha tha'teshiatonhontsó:ni.

**Kanástatsi:** Iah í: thatehakatonhontsó:ni, nek ne résakskwe ka'nón:we nahatáweia'te' tánon' ónhka ahonwá:nonte' ónhka ahonwahwíhston'.

**Tewateronhiákhwa:** á:ke:.

**Kanástatsi:** Tóka' ken tahatyà:kon. Sok átste ta...

**Tewateronhiákhwa:** Í:kehre iah teyako'nikòn:ra.

**Kanástatsi:** Átste tonká:ti', ó:nen ki' nón:wa skentón:nis nè:'e. Tóka' ki yaonsahiyatewennáta'ahse'.

**Tewateronhiákhwa:** Tóka' iah tasa'niskò:'on.

**Warisó:se:** Ne ken ne etshekstén:ha.

**Kanástatsi:** Iah tewakateryèn:tare ka' nón: nihèn:teron. Sótsi í:non.

**Tewateronhiákhwa:** tá: ne ki' ó:ia teshotetshenryón

**Kanástatsi:** mm tóka' nón:wa.

**Warisó:se:** aah ó:ya ki sasésak.

**Kanástatsi:** Iah ki ó:nen tha'tesewakatonhontsó:ni.

**Tewateronhiákhwa:** Í:kehre wa'konhró:ri' tsi entsontaterihwáhsten'.

**Kanástatsi:** Onkwatera'swáksen, yah ó:nen..

**Warisó:se:** Wáts entsoyánera'ne'.

**Tewateronhiákhwa:** Ensa'nikónhrhen'.

**Kanástatsi:** Ah yeah ki' ná:'a. Wisk niwáhsen niiohserá:ke.

**Tewateronhiákhwa:** Wesa'nikónhrhen' tsi satsikhe'tayén:tahkwe tánon' í:si yahesá:ti'.

AHKWESÁHSNE

**Joe Lazore:** Akì:ron' ki tasatáweia't 'kna enkononhkwahtsherónnyen' tsi niió:re tsi ensehsatkwatá:ko' tsi niyó:re kí:ken sá:ton sanonhwáktani.

Kenonhkwahtsherayenté:ri tánon' ensehsónhnhí:yo'ne'. Iah tekari:we's ok ná:' ne ken óksa'k thí: onónhkwa enyoyó'ten'. Oh kati nahsathontátsheke' enkononhkwa:tsheron' tánon' takónhsnye' tsi niió:re kwah tokèn:'en aonsahsonhnhí:yo'ne'. Ostón:ha kí:ken tisa'nikonhratihéntho naonsayoyáneren'ne' ne sa'nikòn:ra. Tho ki ní:kon enkkwé:ni' ne ken enkonrihwáhsnye'ne' ne sá:ton sanonhwáktani.

**Karihwénhawe:** Ónhka'k ro'nikonhráksen's, etshiatèrè:'a ro'nikonhráksens. Nahò:ten, oh ní:tsi tentshehrhò:ton' tówa' ni tatshéhnhe'?

**Karòn:iate:** Yoyánere ahsatoríhsen' kí:ken tehsahsénthos toka' iáh, iah nonwén:ton khiayoyáneren'ne'. Ohstón:ha tasatatéhnhe' ki ne thé:nen, tóhsa óksa ki stsi'takè:renhte'.

KAHNAWÀ:KE

**Tekahonwèn:sere:** Á:ke tsi kattó:kas arohátyen tsi satatya'takéhnha tóhsa enwè:ne'ne', wè:ne ki tsi kattó:kas iah kwah tetso'shátste ne ahsatoriahnerón:ko'.

**Sha'tekaronhió:ta'ne:** Ke'nikòn:rare ne kshinà:ke.

**Tekahonwèn:sere:** Tá: kwah tho tóhsa, ah ne ki ní: é:so ki' wahi sayo'tèn:'en ne karíhstatsi é:so saronhyakèn:'en, iah ki teyonehrákwa't.

**Sha'tekaronhió:ta'ne:** É:so tewakaré:ron.

**Tekahonwèn:sere:** yeah sate'kwenhátye's tóhsa aiesáhnha'ne', káton' tóhsa ahyá:ken' ne ohén:ton ì:rate?

**Sha'tekaronhió:ta'ne:** Aonsayonkehnháhsi'. Wakatahsehtonhátye's.

**Tekahonwèn:sere:** Ta' ki nè:'e tsi nitisá:yen she: wè:ne tsi é:so, kwah tokèn:'en tsi sata'karí:te. Tohsa othé:nen nahò:ten ne tesa'nikonhrhá:ren shé: iaonyà:ton tsi nihsya'tò:ten.

**Tekahonwèn:sere:** Shé:kon.

**Sha'tekaronhió:ta'ne:** Shé:kon.

**Tekahonwèn:sere:** Seronhke'néha tsi tahatá:ti' wè:ne tsi nihota'karí:te, kwah nyá:re tsi tahatón:riye'.

**Sha'tekaronhió:ta'ne:** ah well wakata'karí:te nek tsi ken' ki wakahkarà:rens kí:ken albormor ken roné:ten.

**Tekahonwèn:sere:** ah tó:ske wahi yeah.

**Sha'tekaronhió:ta'ne:** Tánon' ken nonkwá:ti.

**Tekahonwèn:sere:** Sha'tehsya'tí:hen káti ken-

**Sha'tekaronhió:ta'ne:** Tánon' wakenawiráhrhonte

**Tekahonwèn:sere:** Nió: wahi. Iah ki sénha thakerihwanón:ton' tóhsa sénha aonkenehrá:ko'. Yako'nikonhrí:io ki ne tsi-, yako'nikonhrí:io ki ne sekstén:ha

**Sha'tekaronhió:ta'ne:** Iah ten.

**Tekahonwèn:sere:** Tó:ske tho niyá:wen's thí:ken onhka'k tentsatátken'

**Sha'tekaronhió:ta'ne:** Ke'nikòn:rare tsi ní:tsi skennen'shòn:'a. Yah ki tha'tesewaksteríhens ó:nen.

**Tekahonwèn:sere:** Tékeni ki wahi ní:se teyotáhrhon skennen'shòn:'a, tánon' sénha

**Sha'tekaronhió:ta'ne:** sénha

**Tekahonwèn:sere:** sénha skennen'shòn:'a

**Sha'tekaronhió:ta'ne:** Ne ki ratina'tónhkhwa ne taró: taró:

**Tekahonwèn:sere:** Oh káti ne nikawennò:ten taró: taró: ?

**Sha'tekaronhió:ta'ne:** Tó:ka. Ne ki ne ne a'nó:wara raohwá:tsire nithonè:non.

**Tekahonwèn:sere:** Tho ken? A'nó:wara yeah? Taró: taró:. Karì:wes tsi náhe thí:ken tewakewennahrón:ken. Hen ne ki kwah tsi nikawennò:ten kwah tsi ta' éhserahste' teharahsi'tì:sere.

**Sha'tekaronhió:ta'ne:** Teharahsi'tì:sere.

**Tekahonwèn:sere:** Oh tsi rentóhrha ne akwé: ne taharáhta't teharahsi'tì:sere.

**Sha'tekaronhió:ta'ne:** Aontaharahsi'takará:tate'.

**Tekahonwèn:sere:** Tó:ske tsi iókste.